

# საქართველო



იმისთანა წმინდა საძმომი, ბოგბინდ ბუქ-  
უბი სიფყავა, ცუდილუბით და ჭბრბით ბუბ-  
თის გაფანა ყულა უჯანბისბაჟ უსაბაგლსია.

ბაგოდის 1918 წლის  
25 ივლისიდან

# რესპუბლიკა

ხუთშაბათი, 5 დეკემბერი. 2019 წ. №240 (8906)

ელ.ფოსტა: sakresp@mail.ru და sakresp@top.ge

ფასი 60 თეთრი

## სააკაზვილის პარტნიორები უიზვლავი არიან!

### NDI და IRI საქართველოს წინააღმდეგ



საქართველოს საგარეო პო-  
ლიტიკის და მთლიანად — საქარ-  
თველოს განვითარების დასავლუ-  
რი კურსი, საქართველოს კონსტი-  
ტუციით გამყარებული არჩევანია.  
დასავლურ სტრუქტურებში მჭიდ-  
როდ ინტეგრირებული, დემოკრა-  
ტიული და სამართლებრივი სა-  
ხელმწიფოს შენება, ჩვენი, რო-  
გორც ქრისტიანული ღირებულე-  
ბებით ნასაზრდოები ერის, ისტო-  
რიულად ჩამოყალიბებული შინა-  
განი ნების გამოსატულებაა.  
საუბრები ნეიტრალიტეტზე,  
„შევიცარიული გაბრწყინების“  
პერსპექტივით, წინასწარ დამარ-  
ცხებისთვის განწირული პოლი-  
ტიკური ჯგუფების მხრიდან, ცუ-  
დად შენიღბული რუსული გეგმის  
დავზე მოხვევის უბადრუკი მცდე-  
ლობაა.  
პირველი ორი აბზაცი გახ-  
ლავთ აუცილებელი შესავალი იმ  
„სამაღალი ფიქრების“ (როგორც

პირდაპირი, ისე არაპირდაპირი  
მნიშვნელობით) ობიექტური ანა-  
ლიზისთვის, რომელთაც წინამდე-  
ბარე წერილში შემოგთავაზებთ.  
რამდენიმე წლის წინ, ერთ-  
ერთ სატელევიზიო ეთერში მველ-  
მა ეროვნულ-დემოკრატიკა, გია  
ჭანტურიას თანამებრძოლმა გი-  
ორგი კობახიძემ ასეთი რამ გა-  
ნაცხადა: „გიას მკვლელობის  
დღეს, პირველივე ინტერვიუში  
ურუნალისტის კითხვას — „ვინ მოკ-  
ლა გია ჭანტურია?“ ასე ვუპასუ-  
ხე: მკვლელების მხილება, ადრე თუ  
გვიან, აუცილებლად მოხდება,  
დამკვეთის ვინაობა შეიძლება  
ვერც ვერასოდეს გავიგოთ, მაგ-  
რამ მთავარ კითხვაზე — რატომ  
მოკლეს გია ჭანტურია, შემოძლია  
დღესვე ვიპასუხო... ის მოკლეს  
იმათთვის, ვინც შევარდნაძის მერე  
უნდა მოვიდნენ ხელისუფლებაში.“  
მერაბ კოსტავას, ზვიად გამსა-  
ხურდიასა და გია ჭანტურიას პო-

ლიტიკური პროცესიდან ჩამოშო-  
რება რუსული გეგმის წარმატების  
აუცილებელი პირობა იყო, რომ-  
ლის გარეშე იმპერიის სამხრეთის  
საზღვრებთან პოზიციების შენარ-  
ჩუნება, ანუ საქართველოში გავ-  
ლენების შენარჩუნება, ყოვლად  
უიმედო, შეუძლებელი პერსპექტი-  
ვა იქნებოდა.  
პროცესების უშუალო მონაწი-  
ლის მიერ შიგნიდან დანახული მო-  
მავალი მძიმე რეალობად დაგვატყ-  
და თავს — შევარდნაძის შემდეგ მო-  
სულმა პოლიტიკურმა ძალამ ზედ-  
მინევით შეასრულა რუსული და-  
ვალეზა: რუსული სამხედრო ნაწი-  
ლები საქართველოში დააბრუნა  
და სრულად უზრუნველყო უპი-  
რობო რუსული მმართველობა ახ-  
ლა უკვე დე ფაქტო „დამოუკიდე-  
ბელ სახელმწიფოებში“.  
**იხ. 3 გვ.**

## ილია მეორე: ბოროტი ძალა ცდილობს, ჩამოაშოროს ადამიანი ღმერთს

საქართველოს პატრიარქმა ილია მეორემ ყოვლადწმი-  
და ღვთისმშობლის ტაძრად მიყვანების დღესასწაულთან და-  
კავშირებით დღეს თბილისის წმინდა სამების საკათედრო  
ტაძარში იქადაგა. „ეს არის ბედნიერი დღე — ყოვლადწმი-  
და ღვთისმშობლის ტაძრად მიყვანება. ეს არის გზა, რომელიც  
გვიჩვენა ყოვლადწმიდა ღვთისმშობელმა, როგორ უნდა მი-  
ვიღეთ სასუფეველში“, — განაცხადა ილია მეორემ.  
„ეს არის ტაძარი კარიბჭე სასუფეველისა და ბედნიერია ის  
ადამიანი, რომელიც ამ კარიბჭეში შევა. ჩვენს გარშემო არის  
საშინელი ბრძოლა და ყველაფერი არის ადამიანის სულისთ-  
ვის. ბოროტი ძალა ცდილობს, ჩამოაშოროს ადამიანი ღმერთს,  
ზეციური ძალა ცდილობს, არ დაუშვას ბოროტება ადამიან-  
თა შორის. მაგრამ ჩვენ უნდა გვახსოვდეს, რომ ძალიან დიდი  
მნიშვნელობა აქვს თვითონ ადამიანს. თვითონ ადამიანზეა ბევრი  
დამოკიდებული, რას აირჩევს — კეთილ გზას თუ ბოროტს. ძალიან  
ხშირად ისმის, მე მინდა, ბედნიერი ვიყო დედამიწაზეო და იქ  
რა იქნება, მე არ მეკითხებაო. არ არის ეს სწორი. ჩვენი აქ ყოფნა  
წუთისოფელია. ეს წუთისოფელი არარა არის სასუფეველთან.  
ადამიანს უნდა ჰქონდეს კავშირი ბუნებასთან, კავშირი დედა-  
მინასთან“, — განაცხადა ილია მეორემ.

## აზუ-ის სენატში საქართველოს მხარდამჭერი კიდევ ერთი განცხადება გაკეთდა

## მარტო ამისთვის ღირდა სიძოცხლე!..

მთხვევაში ვერ განვითარდებოდა მაღალკადემიური განათ-  
ლების გარეშე. რა დასაზნაია, რომ დღემდე ოლადაურის სკო-  
ლას არა აქვს მინიჭებული ყადი ნური ბერიძის სახელი —  
ამაზე უკეთესი სხვა რა უნდა გააკეთოს ადგილობრივმა სა-  
ზოგადოებამ ან ხელისუფლებამ?!



მარტონ ააკაკი და ზვიად ბაგიონი  
თავიანთი სალოტორო  
დისკრტაჟიების დასვის დღეს —  
1995 წლის 30 ოქტომბერს.  
თან ტერიტორიულად — ხშირად ამბობს ხოლმე ბაგიონი ააკაკი,  
მით უმეტეს, რომ სწორედ ამ სკოლაში აღიზარდნენ პროფე-  
სორი მძები ააკაკი და ჯემალ ბერიძეები, რომელთაც, მიუხე-  
დავად სხვადასხვა სპეციალობისა (ერთი ქირურგია, მეორე —  
ინჟინერი), ერთ დღეს (1995 წლის 30 ოქტომბერს) დაიცვეს სა-  
ლოტორო დისკრტაციები. სწორედ ამ საოცარ ფაქტთან და-  
კავშირებით გამართულ ქართულ სუფრაზე, რომელსაც აჭა-  
რიდან ჩამოტანილი სურნელოვანი ნუგბარი ამშვენებდა, ამაყად  
განაცხადა ლევან ბერიძემ — ორი ერთდროულად გადოქტო-  
რებული ვაჟის მამამ (მას მეტი შვილი არც ჰყავდა!), „მარტო  
ამისთვის ღირდა სიძოცხლე“. დიხ, ჭეშმარიტ მამულიშვილს  
შესანიშნავად ჰქონდა გააზრებული, რომ საბჭოთა კავშირის  
უღლიდან ახალთავდახსნილი საქართველო ვერავითარ შე-

მს ფერადოვარი ფრაზა სახელწოდებაა ჩემი ერთ-  
ერთი წიგნისა, რომელიც ეძღვნება მაღალმთიანი აჭა-  
რის სოფელ ოლადაურის პირველი ქართული სკოლის  
საუკუნოვან იუბილეს და მისი დამაარსებლის, ცნობილი  
საზოგადო მოღვაწის, ნური ბერიძის თავგანწირულ  
ღვაწლს მაშინ, როდესაც თურქეთიცა და რუსეთიც ერ-  
თდროულად ცდილობდა, ეს უღამაზესი წალკოტი წა-  
ეგლიჯათ დედანამშობლოსთვის. ყადს უამრავი სასა-  
ხელო შვილი და შვილიშვილი ჰყავდა. ერთ-ერთი მათ-  
განის — ნური თავდგირიძის მოგონებებში ვკითხულობთ:  
„დედვი (ბაბუა) დაგვაჯდუმლებდა ბაღნებ, გვიყვებოდა  
საქართველოს ისტორიას, თავად ტიროდა და ჩვენც  
გვაცრემლებდა. ერთხელ დედემ გვითხრა: ბაგრატ VII  
რომ იყო მეფე, ის გაამუსლიმანეს, არჩილ II, ვახტანგ  
V, როსტომ მეფეც, გიორგი XI, კიდევ სხვებიც... მარა  
გულთ ვის ემსახურებოდნენ? — ჩვენს ლელე-ღურდანს,  
მემღეჭეთს... სულხან-საბამ რომ კათოლიკობა მიიღო,  
რისთვის მიიღო? — საქართველოსთვის! — ეგებ რამე  
ვუშველოო. რწმენითვის კატი არ დეიზრახებას!.. წყა-  
ლი მიდგებ-მოდგება და თავის პირველ კვალ დუშუ-  
რუნდება მაინც!“ (ჩანტლაძე, 2015-2016: 149).  
სწორედ ამ გულანთებული პატრიოტის შვილთაშვილი  
გახლავთ პროფესორი ააკაკი ბერიძე, არაერთი საერთაშო-  
რისო ქირურგიული საზოგადოებისა თუ სამედიცინო აკა-  
დემიის წევრი, სახელოვან პაპაზე არანაკლები პატრიოტი.  
„ოლადაურს იმერხევისგან მხოლოდ ერთი აღმართ-და-  
ღმართი ჰყოფს. ჩვენს სოფელში ქართული სკოლის გახსნას  
თავის დროზე მარტოდენ საგანმანათლებლო დანიშნულება  
არ ჰქონია — ეს ფაქტი მაშინ უდიდეს ეროვნულ-სახელმწი-  
ფოებრივ მოვლენად იქცა. რომ ქართული სკოლა არა, აუ-  
ცილებლად გაგვათათრებდნენ, იმდენად ახლოს ვიყავით მათ-

იხ. 5 გვ.

# გულამ გახსოვლეთ საქართველო!

– შპმ ზღვაზე სტაბილურობის გარეშე ვერ იქნება უზრუნველყოფილი ევრო-ატლანტიკური სივრცის სტაბილურობა, – ამის შესახებ საქართველოს საგარეო საქმეთა მინისტრმა დავით ზალკალიანმა ლონდონში ლიდერთა შეხვედრის ფარგლებში გამართულ ლო-

პუმინტარული კატასტროფა. ამ საკითხებზე ჩვენ ახლაც აქტიურად ვახდენთ საერთაშორისო თანამეგობრობის კონსოლიდაციას, – განაცხადა ზალკალიანმა.

საქართველოს ნატოში ინტეგრაციის საკითხზე საუბრისას მინისტრმა კიდევ ერთხელ აღნიშნა, რომ ნატოში საქართველოს ინტეგრაცია ემსახურება ქვეყნის უსაფრთხოების უზრუნველყოფასა და მის დემოკრატიულ განვითარებას და არ არის მიმართული რომელიმე მესამე მხარის წინააღმდეგ. მისი განცხადებით, საქართველო არის ნარმატიული ასპირანტი ქვეყანა, რომელსაც გააჩნია ყველა პრაქტიკული ინსტრუმენტი განვიწყობინოთ სათვის და აქტიურად ემზადება იმ მომენტისთვის, როდესაც დადგება განვითარების შესახებ პოლიტიკური გადაწყვეტილების დრო.

„ბუქარესტის სამიტის გადაწყვეტილებაში ნათლად წერია, რომ საქართველო გახდება ალიანსის წევრი. მას მერე ბევრი სამიტი გაიმართა და ყველა დოკუმენტსა და დეკლარაციაში მეორდება ნატოში საქართველოს განვიწყობინების მხარდაჭერა. ჩვენ ვაცნობიერებთ დღეს არსებულ ვითარებას. თუმცა ეფექტურად ვახორციელებთ ყველა პრაქტიკულ ინსტრუმენტს, რასაც მივყავართ წევრობამდე. საქართველო უკვე მოქმედებს როგორც ალიანსის წევრი. ჩვენ ვაცნობიერებთ დღეს არსებულ ვითარებას, იმას, რომ ჯერ არ არის პოლიტიკური გადაწყვეტილება.“

ჩვენ ყველაფერს ვაკეთებთ, რომ ქვეყანა მზად იყოს იმ მომენტისთვის, როცა წევრობის დრო დადგება. საქართველოს კონტრიბუცია, რა თქმა უნდა, საჭიროებს შემხვედრ ნაბიჯებს ნატოსგან“, – განაცხადა ზალკალიანმა და დასძინა რომ საქართველო აქტიურად მუშაობს ყველა პარტნიორთან, ასევე დგამს აქტიურ ნაბიჯებს ქვეყნის საბოლოო მიზნისთვის მოსამზადებლად – რაც არის ნატოს წევრობა.

„მუდამ გახსოვდეთ საქართველო“, – ამ სიტყვებით დაასრულა სესიაზე გამოსვლა საქართველოს საგარეო საქმეთა მინისტრმა, რასაც დარბაზში ოვაციები მოჰყვა.



ნისიებზე – „NATO Engages: Innovating the Alliance“ ბალტიისა და შავი ზღვის უსაფრთხოების საკითხებზე მიძღვნილ სესიაზე სიტყვით გამოსვლისას განაცხადა. მინისტრის თქმით, შავი ზღვა მნიშვნელოვანია ნატოსთვის და საქართველო ამ კუთხით აქტიურად არის ჩართული მთელი რიგი პრაქტიკული მიმართულებებით.

შავი ზღვის რეგიონში არსებულ გამოწვევებზე საუბრისას საქართველოს საგარეო საქმეთა მინისტრმა ხაზი გაუსვა რუსეთის დესტრუქციულ პოლიტიკას საქართველოს მიმართ, რომელსაც დღემდე ოკუპირებული აქვს საქართველოს ტერიტორიის 20 პროცენტი.

„ადამიანის უფლებებისა და უსაფრთხოების თვალსაზრისით ადგილზე რთული ვითარებაა, ადამიანები იდევნებიან და მათ უკანონოდ აკავებენ, ახლაც ცატა-ცებულია ცნობილი ქართველი ექიმი ვაჟა გაფრინდაშვილი, რომელიც უკანონო პატიმრობაში იმყოფება. ჩვენ ამ ფაქტის შესახებ მოვასდინებთ საერთაშორისო თანამეგობრობის სრული კონსოლიდაცია. ჩვენ სახზე გვაქვს

## ფატი ბენსუდა: შესაქლოა, 2008 წლის ომის საქმეზე კონკრეტული შედეგები 2020 წლის ბოლოს დადგას

„რუსეთ-საქართველოს ომის საქმეზე გამოძიება აქტიურ ფაზაშია და არ არის გამოცხადებული, რომ აღნიშნულ საქმეზე კონკრეტული შედეგები 2020 წლის ბოლოსთვის დადგას“, – ამის შესახებ ფატი ბენსუდამ საქართველოს იუსტიციის მინისტრ თეა წულუკიანთან შეხვედრაზე განაცხადა. თეა წულუკიანი ჰააგის სისხლის სამართლის საერთაშორისო სასამართლოს წევრი სახელმწიფოების ასამბლეის რიგით მე-18 სესიის ფარგლებში, ჰააგის სასამართლოს პროკურორ ფატი ბენსუდას შეხვდა.

საქართველოს იუსტიციის სამინისტროს პრესამსახურის ინფორმაციით, შეხვედრაზე იუსტიციის მინისტრმა რუსეთ-საქართველოს ომის გამოძიების შესახებ ისაუბრა და აღნიშნა, რომ საქართველოს მოსახლეობა, რომელიც 2008 წლის რუსეთ-საქართველოს ომის დროს ეთნიკური წმენდის, კატორბობის წინააღმდეგ ჩადენი-



ლი და ომის დანაშაულთა მსხვერპლი გახდა, გამოძიებიდან ელოდება კონკრეტულ შედეგებს, რათა აღსრულდეს მართლმსაჯულება. ასევე, შეხვედრაზე აღინიშნა, რომ მხარეებს შორის თანამშრომლობა ძალიან მაღალ დონეზე ხორციელდება. ფატი ბენსუდას უფლებამოსილების ვადა 2020 წლის ბოლოს ეწურება.

**გუშინ დედაქალაქის მუნიციპალიტეტის მთავრობის მორიგი სხდომა გაიმართა. დღის წესრიგით გათვალისწინებული საკითხების განხილვამდე, თბილისის მერმა კახა კალაძემ რამდენიმე განცხადება გააკეთა და, პირველ რიგში, საზოგადოებრივი ტრანსპორტის მოწესრიგებაზე, ასევე, ქალაქში მიკროავტობუსების ჩანაცვლების აუცილებლობაზე ისაუბრა.**



მისი თქმით, ახალი ავტობუსების შესყიდვის პროცესი გრძელდება და მომავალი წლის ბოლომდე, არსებული ავტობუსები სრულად ჩანაცვლდება. რაც შეეხება მიკროავტობუსებს, კახა კალაძემ ვიცე-მერს ირაკლი ხმალაძეს კომპანია „თბილისის მიკროავტობუსის“ წარმომადგენლებთან კომუნიკაციის შედეგების წარმოდგენა სთხოვა.

## კატილოგოზოვის სამუშაოები – სრული სკლით!

სახლეობას აღნიშნულ ქუჩაზე დაფიქსირებული პრობლემის შესახებ ვაცნობ. ორ კონკრეტულ მონაკვეთზე დაზიანებული იყო წყალარინების ქსელი. ეს დადაგინდა მას შემდეგ, რაც ტერიტორია სპეციალური აპარატი შეიმონდა. კომპანია „ჯორჯიან უოთერ ენდ ფაუერსი“ აღნიშნულ აპარატს იყენებს იმისთვის, რომ ახალგაკეთებული ქსელი შეიმონოს. ერთ-ერთი ასეთი შეიმონების დროს დაფიქსირდა ორი ადგილი, სადაც წყალარინების რეაბილიტირებული მილები იყო დაზიანებული. ცხადია, აქ ვილაცას ნაწარმოები ჰქონდა მი-

## თბილისის მუნიციპალიტეტის მთავრობის სხდომა

პარკში გაიმართება. ამასთან, კახა კალაძემ აღნიშნა, რომ 2020 წლიდან, მთაწმინდის რაიონში, ლადო ასათიანის ქუჩის №50-ში სპორტული ცენტრის სამშენებლო-სარეაბილიტაციო სამუშაოები განხორციელდება, რომლის შემდეგაც მულტიფუნქციური დარბაზი მოეწყობა. დედაქალაქის მერმა ქალაქში მიმდინარე მსხვილ ინფრასტრუქტურულ პროექტებზეც ისაუბრა და აღნიშნა, რომ კახეთის გზატკეცილზე საგზაო სამუშაოები 6 დეკემბერს დასრულდება და სატრანსპორტო მოძრაობა სრულად აღდგება. მისი თქმით, აღნიშნულ ტერიტორიაზე ელექტროგადამ-

ცივი ხაზების მინის ქვეშ განთავსება და ახალი სანათების დამონტაჟება მოხდება, რომელიც სატრანსპორტო მოძრაობას ხელს არ შეუშლის.

„კახეთის გზატკეცილზე ასევე, მიმდინარეობს გამწვანების სამუშაოები, ბოლოს კი საგზაო მონივრებები დაინახება. ძალიან კარგი პროექტი გამოდის. შეიძლება ითქვას, რომ აღნიშნული ტერიტორია მთლიანად სახმეცივლილი იქნება თავისი საგზაო ინფრასტრუქტურით და კეთილმოწყობის სამუშაოებით“, – აღნიშნა კახა კალაძემ.

რაც შეეხება ჭავჭავაძის გამზირის, თბილისის მერის ინფორმაციით, აღნიშნულ ტერიტორიაზე საგზაო სამუშაოების ნაწილი 8 დეკემბრისთვის დასრულდება და სატრანსპორტო მოძრაობა აღდგება.

გლდანის რაიონში მიმდინარე სამუშაოებზე კახა კალაძემ აღნიშნა, რომ ხიზანიშვილისა და ვეკუას ქუჩებზე საგზაო ინფრასტრუქტურის მოწყობა ქვედა ფენებში დაახლოებით, 15-20 დეკემბრისთვის დასრულდება.

„ავტომობილებს ყოველგვარი შეფერხების გარეშე, ექნებათ გადაადგილების შესაძლებლობა. აღნიშნულ ქუჩებზეც პარალელურად გაგრძელდება სამუშაოები. ეს არის განათების პობების დამონტაჟება, ველობილიკების, ტროტუარისა და ავტობუსის მოძრაობისთვის განკუთვნილი ზოლების მოწყობა. აღნიშნული სამუშაოები სრულად მთავალი წლისთვის დასრულდება...“

პირველი გვერდიდან

შემოთავაზებულ ანალიზში ერთი შეუ-

საბამოა იქნეს თავს. ერთი მხრივ, „ნაც-

მოძრაობისა“ და მისი ლიდერების „ღვაწ-

ლი“ რუსულ გეგმაში შემდგარი ფაქტია

და ამის ყველაზე ნათელი დასტური 2008

წლის აგვისტოს მოვლენები და შედეგე-

ბია, მაგრამ, მეორე მხრივ, ჩვენი საზო-

გადოების უდიდესი ნაწილის მიერ მო-

ლაღატყვებად შერაცხულ და მრავალ სის-

აი-მარ-აი მაინც სხვანაირად „გამორჩეულ-

ბი“ იყვნენ.

აშკარა და თვალშისაცემი გახლდათ,

პირველ რიგში NDI-ის, ამ მაღალკვალიზი-

რების შექმნის თვალსაზრისით, როგორც სა-

ქართველოში, ისე, უწინარეს ყოვლისა, ამე-

რიკის შეერთებულ შტატებში. უნდა ვივარა-

უდოთ, ეს პატივი მან იმით დაიმსახურა, რომ

მეგობარი სახელმწიფოების წარმომადგენ-

ლებიდან პირველი იყო, ვინც აქტიურად ჩა-

დან „ნაციონალური მოძრაობის“ ოფიცია-

ლური აგენტი (ლობისტია) ამერიკის

შეერთებულ შტატებში“.

სახეზეა ისეთი ინტერესთა კონფლიქტი,

რომელიც, დემოკრატიის ფლაგმანი ქვეყნის

ავტორიტეტიდან გამოდინარე, დღემდე

შეუძლებლად მიგვაჩნდა. სახეზეა კერძო ინ-

ტერესებისა და ორი პარტნიორი სახელმწი-

ფოს ინტერესების დაპირისპირება, რომელ-

შიც დაზარალებული საქართველო და ამე-

რიკის შეერთებული შტატებია(!), ხოლო მო-

გებული – რუსეთი და ერთი კერძო ლობის-

ექსპერტების ერთიანი ქსელი. ეს ერთობა

მთლიანად ავსებს ჭეშმარიტი ოპოზიციური

აზრისგან მთლიანად განმედილ პოლიტი-

კურ ველს და გარე თვალისთვის ქმნის ფსევ-

დოდემოკრატიულ სურათს.

ყვანია-საკავაშვილისა და მათი მეგობრე-

ბისთვის შექმნილი ახალი „სიბრძნე სიცრუ-

ისას“ მეტი თვალსაჩინოებისთვის, ახლო წარ-

სულის ქართული რეალობიდან, ერთი ასე-

თი მაგალითი შეიძლება მოვიტანოთ: მაშინ,

როცა ღვინის ფაღვნიკი „მოდაში იყო“,

„კრეატიული ქართველები“ დასახლებულ

NDI და IRI საქართველოს წინააღმდეგ



საკავაშვილის პარტნიორები უიშვლები არიან!

რუსული გეგმის მთავარ ფიგურად

შეირჩა, ძალიან ქართულად რომ ვთქვათ,

უფრო და უსულგულო მედროვე და, აქედ-

ან და გამოდინარე, ყველაფერზე ხელის

მომწერი მიხეილ სააკაშვილი. თითქმის

იმავე პრინციპით („ის ნაძირალაა, მაგრამ

იყო განსაზღვრული და გამიჯნული და ერთ

მთლიან ინტერესს ემსახურებოდა.

NDI-ისა და IRI-ის საქმიანობების უარ-

ყოფითად შეფასების მთავარი თვალსაჩინო

მახასიათებელი, შეიძლება ითქვას – „საფირ-

მო ნიშანი“, არის ე.წ. სოციალური კვლე-

NDI-ის როლი ქართული პოლიტიკის

განსაზღვრავს განვითარების ყველა

ეტაპზე თვალსაჩინო გავლენას. თბილი-

სის ოფისის პირველმა ხელმძღვანელმა

დანიელ კუნიძემ, მოლაშქრის სანჯის

პერიოდში გადაწყვიტა, რომ საქართველო

და მის შემდეგ მოსული NDI-ის თითქმის ყვე-

ლა ხელმძღვანელი, ვადის ამონურვის მიუ-

ხედავად, დიდხანს შემორჩენს საქართველოს,

ვიტყოდით, როგორც ბუზი თავს. მაგალი-

თად, იგივე ბატონი კუნიძე, ყველას რომელი-

მე სხვა „ახალი დემოკრატიის“ ქვეყანაში რომ



# ავადყოფი გვარამია „ჯოჯოხეთს“ ოფიციალურად გვიანონსებს!

სამოქალაქო დაპირისპირება საქართველოში არ მიმდინარეობს. მეტიც, საერთოდაც, დაპირისპირებაც კი არ მიმდინარეობს. საქართველოში, უზურპატორის და მის მიერ დაქირავებული ხუნვეიბიანების (ერთ დროს საამაყო ქართული პოლიცია რომ ერქვა) და მანქურთების (ერთ დროს „ქართული ოცნების“ მომხრეები რომ იყ-

ნენ) თავდასხმა ქვეყნის მოსახლეობაზე. ამიტომაც, უზურპატორის წინააღმდეგ, რომელიც არც თავისი ნებით მიდის და მისი ხელისუფლებიდან გაშვების ლეგალურ გზებსაც გვართმევს. ჩვენ, ქართველმა პატრიოტმა მედასავლეთეებმა, უნდა გამოვიყენოთ ქვეყნის გადარჩენის ბოლო ლეგიტიმური გზა და უზურპატორი, თავის

ხუნვეიბიანებთან-მანქურთებთანად, უნდა დავაშხოთ! სხვა არჩევანი უბრალოდ აღარ დაგვრჩა. თუ არა და – სამშობლოს დავკარგავთ! ნიკა გვარამია. ნიკა გვარამიას ხელისუფლებას დამსოვიანებ მოწოდებას, რა თქმა უნდა, სხვაპირადაც იზიარებს!

## გვარამიამ უნილზონი მიზნით, 76 000 ევროდ ღირებულ ავტომობილს კომპანიის სახელზე გააფორმა!

ბრალდებული ნიკა გვარამია გამოკითხვასა და აღკვეთის ღონისძიების განხორციელებაზე აპელირებდა ფინანსური მდგომარეობით და ერთ-ერთ არგუმენტად მოიყვანა ისიც, რომ საკუთრებაში მანქანაც კი არა ჰყავს, – ამის შესახებ „რუსთავი-2“-ის ყოფილი გენერალური დირექტორის ნიკა გვარამიას საქმის პროკურორმა ზვიად გუბელაძემ განაცხადა.



ზვიად გუბელაძემ აღნიშნა, რომ ნიკა გვარამიამ სამაჟინგო კომპანია „რუსთავი-2“-ის ეთერში სარეკლამო რგოლებს განთავსების სანაცვლოდ საკუთრებაში მიიღო დაახლოებით 76 000 ევროდ ღირებული ავტომობილი და ამ სქემის შენიღბვის მიზნით სხენებული ავტომობილი გააფორმა კომპანიის შპს „პროესკო მედიას“ სახელზე.

ჟურნალისტების შეკითხვაზე, უფიქრია თუ არა გამოძიებას, ამოელო კამერის ჩანაწერები „რუსთავი-2“-ის მიმდებარე ტერიტორიიდან და ამით დაედასტურა, სარგებლობდა თუ არა ნიკა გვარამია მანქანით, პროკურორმა განმარტა, რომ გამოძიების დაწყების პერიოდში ნიკა გვარამია სამაჟინგო კომპანია „რუსთავი-2“-ის დირექტორი აღარ იყო.

„ნიკა გვარამია თავადაც არ სარგებლობდა ამ ავტომობილით, სარგებლობდნენ მისი ოჯახის წევრები და ეს ავტომობილი, როგორც საკუთრება იყო შენიღბული. მინდა, საზოგადოებას, რომ ეს არ იყო არც ბრალდებულის სახელზე, არც მისი ოჯახის რომელიმე წევრის სახელზე, ავტომანქანა გაფორმებული იყო კომპანიის, შპს „პროესკო მედიას“ სახელზე. არსებული მტკიცებულებებით, ეს იყო შენიღბვის მიზნით გაკეთებული და რეალურად მან უსასყიდლოდ, „რუსთავი-2“-ზე გაშვებული რეკლამის სანაცვლოდ მიიღო აღნიშნული ავტომობილი“, – განაცხადა ზვიად გუბელაძემ.

პროკურორმა ასევე აღნიშნა, რომ სასამართლოს განჩინების შედეგად ავტომანქანაზე თვალთვალის დროს ავტომანქანა ნიკა გვარამიას ოჯახს დაბრუნებული არ ჰყავდა. ის დააბრუნეს მას შემდეგ, რაც გამოძიებამ დოკუმენტები ამოიღო „პროესკო მედიადან“ და ბრალდებულისთვის ნათელი გახდა, რომ გამოძიება ამ კომპანიითაც დაინტერესდა.

„ამის შემდგომ მოხდა ავტომობილის დაბრუნება და ესეც კარგად მიუთითებს, რეალურად ვისი იყო ეს ავტომობილი. ფარული საგამომიებო მოქმედება იყო ერთადერთი ღონისძიება, რომლითაც დადასტურდებოდა, რომ ნამდვილად ნიკა გვარამიას ოჯახის სარგებლობაში იყო ეს ავტომობილი“, – განაცხადა პროკურორმა ზვიად გუბელაძემ.

საპარტიველოს პარლამენტის თავმჯდომარე არჩილ თალაკვაძე „მთავარი არხის“ ხელმძღვანელის ნიკა გვარამიას მიერ სოციალურ ქსელში გავრცელებულ განცხადებას გამოეხმაურა. თალაკვაძე აცხადებს, რომ გვარამიას განცხადებას ხელი-სუფლების დამხობის შესახებ, ღიმილით შეაფასებს.

## არჩილ თალაკვაძე გვარამიას განცხადებას ღიმილით აფასებს



„მართალი გითხრათ, არ წამიკითხავს მისი სტატუსი და სერიოზული კომენტარის გაკეთება გამიჭირდება. ეს არის ადამიანი, რომელმაც პირდაპირ განაცხადა, რომ თავის მედიასაშუალებას იყენებდა პოლიტიკური მიზნებისთვის და, სამწუხაროდ, ამაზე თქვენ, ჟურნალისტებს არ გქონდათ შესაბამისი რეაქცია. მგსმის თქვენიც. ამიტომ

ჩვენ გვაქვს ამაზე რეაქცია. მიუღებელია, როდესაც პოლიტიკური პარტია ოპოზიციიდან ამბობს, რომ მედიას იყენებს პოლიტიკური მიზნებისთვის. მედია უნდა იყოს თავისუფალი, ობიექტური და დამოუკიდებელი რომელიმე პოლიტიკურ

რი პარტიის ისეთი ჩარევისგან, რასაც ამ შემთხვევაში თქვენ მიერ დასახელებული ადამიანი ახორციელებს. მე ნიკა გვარამიას განცხადებას უბრალოდ ღიმილით შევაფასებდი“, – განაცხადა არჩილ თალაკვაძემ.

## ხათუნა სოფერი: ჯერ სად ხართ!

საპარტიველოს პარლამენტის ყოფილი წევრი ხათუნა სოფერი ხელისუფლების დამხობასთან დაკავშირებით ტელეკომპანია „მთავარი“ ხელმძღვანელის ნიკა გვარამიას ფეისბუქსტატუსს ეხმაურება.



- 1. ხომ დაგაყენათ ბიძინამ ყინვაში და გამღერათ საქართველოს შიშინი აკაპელათი!
2. ხომ დარბის მიშა ჯვარამოგდებულნი!
3. ხომ მიმართავს ბოკერია ხალხს

- ლმერთის შემწეობის იმედით!
4. ხომ ციტირებს ზეპირად უგულავა ბიბლიას და სახარებას!
5. ხომ გაიხსენეთ, რომ არსებობს სიტყვა – პატრიოტიზმი!
6. ხომ დაფიქრდით, რომ საქართველო პირველ რიგში სამშობლო უნდა იყოს! ჯერ სად ხართ! ჯერ შიშინო ზში ხართ და დავიწყებულ, უარყოფილ ემოციებს იხსენებთ! ეს თქვენი კათარზისია! ჯოჯოხეთი წინააა!

## გუბაზ სანიკიძე პოლიციას: ნახევარი მილიონი ქართველი გამოვა ორლულიანი თოფებით და თქვენზე დაიწყებენ ნადირობას!

გუბაზ სანიკიძემ სამართალდამცველებს მოუწოდა, რომ „ხალხის მხარეს დადგნენ“.

ფრთხილად იყავით, თორემ სახელით და გვარებით მოგაკითხავთ სუყველას. ტყავში დაეტიეთ, პოლიციელებო, აღარ გიჩლიქავთ ენას. თუ რამის თავი გაქვთ, ქენით რა, დადექით ხალხის გვერდზე. რაის კაცები ხართ თქვენ, ინგუშეთში სპეცრაზმი და პოლიცია ხალხის მხარეზე გადავიდა, ვერ გაბედა და ხელი ვერ გაანძრია ფედერალურმა ხელისუფლებამ რუსეთში, გადააგდეს ვეკუროვი ინგუშეთის პრეზიდენტი. მთელი სპეცრაზმი და პოლიცია ხალხის მხარეზე გადავიდა. რისი კაცები ხართ თქვენ? ბიძინას მონები ხართ. რომელ ბრძანებას ასრულებთ, რომაელმა ლეგიონერებმაც



ბრძანება შეასრულეს, როცა ქრისტე გააკრეს ჯვარზე, ჩემთვის ქრისტე და სამშობლო ერთი და იგივეა. სამშობლოს აკრავთ თქვენ ჯვარზე. რომელ კანონს იცავთ, კობახიძის კანონს? სახელმწიფო გადატრიალებას აწყობდნენ, თურმე ახალგაზრდები. გავრილოვი ვინ ჩასვა იქ, ჩვენ ჩავსვით? ზვიად გამსახურდიას სავარძელში რა უნდოდა ვინმე გავრილოვს. ქართველების მოძულეს რა უნდოდა, პოლიციელებო, რატომ იჯდა ზვიად გამსახურდიას სავარძელში? ჩვენ ჩავსვით, ოპოზიციამ, თუ ამ ბავშვებმა ჩასვეს. მაგ თქვენმა ნაძირალა ბიძინამ ჩასვა და ასე გიპირებთ. წადით, დაიკერეთ რუსული პაკონები, რაღას ელოდებით. გადადით ლარსის ქედზე და დაგირიგებთ პუტინი ჩინმედლებს. ვის ემსახურებით, ბიძინას? ბიძინა თქვენი სამშობლო? ყველა როგორ გვჯობნის, გულგასიებული ვარ, რა ქნეს ინგუშმა პოლიციელებმა, მომიტინგეებთან ერთად ლოცულობდნენ. ამ განეგ-გამონევაში და ბავშვების ცემა-ტყევაში ვინმე არ შემოგაკვდეთ, თორემ პიკეტი კი არა, ნახევარი მილიონი ქართველი გამოვა ორლულიანი თოფებით და თქვენზე დაიწყებენ ნადირობას“, – განაცხადა გუბაზ სანიკიძემ.



## ფოთის პორტში ამერიკულმა გემმა 27 000 ტონა სოკობალი შემოიტანა

ფოთის პორტში ამერიკის შეერთებული შტატების სოფლის მეურნეობის დეპარტამენტის (USDA) პროგრამის „სურსათი – პროგრესისათვის“ ფარგლებში ამერიკულმა გემმა 27 ათასი ტონა ხორბალი შემოიტანა.

საქართველოს გარემოს დაცვისა და სოფლის მეურნეობის სამინისტროს ინფორმაციით, აღნიშნული პროგრამის განხორციელება სამი წლის წინ, აშშ-ისა და საქართველოს მხარეებს შორის შეთანხმებით დაიწყო. სუთნლიან პროგრამას, რომლის ბიუჯეტი 14 მილიონ დოლარზე მეტია, კომპანია „ლენ ო ლეიკსი“ (Land O'Lakes) ახორციელებს საქართველოს მთავრობასთან, მიჩიგანის უნივერსიტეტთან და საქართველოს ფერმერთა ასოციაციასთან თანამშრომლობით. პროგრამის მიზანია, ხელი შეუწყოს საქართველოს სოფლის მეურნეობის განვითარებას და წვლილი შეიტანოს მოსახლეობის კეთილდღეობის ზრდაში.

როგორც შპს „ფოთის მარცვლეულის ტერმინალის“ დირექტორმა ქეთევან კუბლაშვილმა აღნიშნა, ამერიკული ხორბლის საქართველოში შემოტანა ბაზრების დივერსიფიკაციის წარმატებული მაგალითია.





# ეგიპტის სახელმწიფო უნდა უფრო აქტიურად იქნას ჩართული ეკონომიკის განვითარებაში და ეროვნულ რესურსებს უფრო ეფექტურად გამოიყენოს

სტატისტიკის ეროვნული სამსახურის მონაცემებით, „ქართული ოცნების“ მმართველობის პერიოდში, 2013-2018 წლებში ყოველწლიურად ქვეყნიდან ემიგრაციაში საშუალოდ 90 ათასზე მეტი ადამიანი მიდიოდა. ამასთან, 2017 წელს, გასულ წლებთან შედარებით, ემიგრანტთა ნაკადი შედარებით შემცირდა, ისევე, როგორც მიგრაციული საღდო (სხვაობა ემიგრანტებსა და იმიგრანტებს შორის), თუმცა ეს უკანასკნელი კვლავ უარყოფითი იყო. რამდენიმე დღის წინ მმართველი პარტიის ლიდერმა ბიძინა ივანიშვილმა აღიარა, რომ უახლოეს პერსპექტივაში საქართველოში უმუშევრობის პრობლემის გადაჭრის შესაძლებლობას ვერ ხედავს და რომ ამ ეტაპზე უფრო მარტივად მიაჩნია, მოსახლეობის უმუშევარი ნაწილი ლეგალურად დასაქმონ ევროპის სახელმწიფოებში.



„უკვე აქტიურად ვმუშაობთ ამასვე ევროპის განვითარებულ ქვეყნებთან. როგორც სახელმწიფო, ვაფორმებთ კონტრაქტებს და მივდივართ ამას, რომ შევავსოთ ის დეფიციტი, რაც ევროპელებს აქვთ. მათ აქვთ სამუშაო ადგილები, მაგრამ აკლიათ სამუშაო ძალა. ჩვენ არ გვაქვს სამუშაო ადგილები, ესაა ჩვენი ძირითადი პრობლემა. გაისხენეთ პოლონეთი, ბალტიისპირეთის სამი ქვეყანა, ბულგარეთი – ეს ქვეყნები ისეთივე გაცილია, როგორც საქართველო. ეკონომიკური სხვაობა ევროკავშირის წევრ ქვეყნებს შორისაც არის. შესაბამისად, სადაც მალა-ლია ხელფასები, იქ გადაედინება მუშახელი. მაგრამ ცივილიზებულად ხდება ეს, ისინი არ არიან ღირსებაშედასრულები. ქართველი ემიგრანტები, რომლებიც საზღვარგარეთ არაღელვარულად არიან დასაქმებული და ამის გამო სამშობლოში დაბრუნებას ვერ ახერხებენ, შესაძლოა, ამ გზით დაბრუნდნენ და უფრო მაღალანაზღაურებად სამუშაოზე ევროპაში ლეგალურად წავიდნენ. მათი უმეტესობა არაღელვარება დასაქმებული. შესაბამისად, სამშობლოში დაბრუნებას ვერ ახერხებენ და არიან ღირსებაშედასრულები. ჩვენ დავინწყეთ აქტიურად მუშაობა გერმანიასთან და შვიტება, რამდენიმე ასეული ადამიანი უკვე შემდეგ გაზაფხულზე მოვასრულოთ და გავუშვათ სეზონურ სამუშაოზე. 2-3 წელიწადში, პრინციპში, ეს არის დალაგებადი, რომ

## უზუპროვის პრობლემის დაკავშირებული ივანიშვილისკენი უხალხუდა: რას უიძროვნ ხალხი და ექსპერტები

რია წასვლაზე და არც სამომავლოდ ვაპირებ. საქართველოშიც შეიძლება, ნორმალურად იცხოვრო. აქედან არასოდეს წავიდოდი მხოლოდ იმისათვის, რომ ჩემს შვილს კარგი მანქანა ვყავდეს, ან ჩემმა ოჯახმა სასახლეში იცხოვროს. ძეშისა, 60 წლის: სად უნდა წავიდე, შვილი? ჩემს ქვეყანას სხვისაზე გავცვი?!

ნიკაბლა, 20 წლის: საფრანგეთში ვაპირებ საცხოვრებლად წასვლას. თავად ქვეყანა უკეთესი. სხვა ქვეყნებს არ განვიხილავ. საქართველო, სიმართლე გითხრა, დედად არ მიზიდავს. თუნდაც იმიტომ, რომ არატოლერანტული ვართ. საფრანგეთი ევროპის ცენტრია და ცხადია, საქართველოზე ბევრად განვითარებული.

თორნიკე, 21 წლის: უცხოეთში არც ვყოფილვარ და აქაური გარემო არანაირ პრობლემას არ მიქმნის, შესაბამისად, წასვლაზე არ მიფიქრია და არც მომავალში ვაპირებ წასვლას.

მარი, 28 წლის: პირადად მე წასვლას არ ვაპირებ, თუმცა, სამწუხაროდ, ბევრი ჩემი ნაცნობი უკვე წასულია და ბევრიც აპირებს წასვლას.

ნიტა, 17 წლის: სამომავლოდ, დიდი ალბათობით, წავალ. ვფიქრობ, ევროპაზე ან აშშ-ზე, რადგან იქ მეტი პერსპექტივაა. ვისწავლიდი და ვიმუშავებდი იქ, შემდეგ დავბრუნდებოდი. თუმცა შესაძლოა, უბრალოდ, მეშინია, საკუთარ თავს გამოვუტყდე, რომ შეიძლება, აღარც დავბრუნდე.

ზმინაძი, 26 წლის: წასვლაზე მიფიქრია, თუმცა მხოლოდ სამუშაოდ. საქართველოს სამუდამოდ ვერ დავტოვებ. თუ წავალ, მხოლოდ 3-4 წლით, წავიმუშავე, ფულს შევაგროვებ და ჩამოვალ. ახლა ვნახოთ ჩვენმა „ყოველისმცოდნე“, პროვოკატორმა ექსპერტებმა როგორ

გაიგეს ბიძინა ივანიშვილის ნათქვამი: ექსპერტი გაიხუბრებული ამბობს, რომ „როგორც წესი, ხელისუფლებები საპირისპირო ხასიათის დაპირებებს იძლევიან“.

„ყველას სურს, მათი თანამოქალაქეები სამშობლოში დაბრუნდნენ და ერთად ააშენონ უკეთესი სახელმწიფო. ივანიშვილის შემთხვევაში საპირისპირო ისტორიას ვაფრთხილებ. ის, ფაქტობრივად, ამბობს, „ამ ქვეყნის ეკონომიკას არაფერი ეშველება და ერთადერთი, რაც შემიძლია, არის ის, რომ ბილეთები ავიღოთ და გაგიშვათ უცხოეთში სამუშაოდ, რადგან აქ სამუშაო ადგილებს ვერ შევქმნიოთ...“ ძალიან სამწუხაროა, როდესაც ასეთ განცხადებებს ვისმენთ ადამიანისგან, რომლის იმედიც, შესაძლოა, მცირე დოზით, მაგრამ მაინც კიდევ აქვს ხალხის გარკვეულ ნაწილს. მას პოლიტიკოსისთვის დამახასიათებელი ოპტიმიზმის გამოხივივებაც კი ეზარება. იმავე ინტერვიუში დაპირებების შესრულებაზე საუბრისას ბრძანა, „7 წლის გამავლობაში არ მახსენდება რაიმე სერიოზული დაპირება, რომელიც არ შესრულებულაო“, თუმცა ფაქტია, რომ ამ პერიოდის განმავლობაში მან არც ერთი სისტემური დაპირება არ შეასრულა“, – განუცხადა „აქცენტს“ სუხაშვილი.

არასამთავრობო ორგანიზაცია „საზოგადოება და ბანკების“ ხელმძღვანელი გიორგი კვიციანი უწვამულია ივანიშვილის განცხადებას გაუმართლებლად მიიჩნევს არა მხოლოდ პოლიტიკური, არამედ ეკონომიკური თვალსაზრისითაც: „გაუმართლებელია, როდესაც პოლიტიკოსი, რომელიც რეალურად მართავს ქვეყანას, ეუბნება მოქალაქეებს, რომ საქართველოში მათი დასაქმების პერსპექტივა, ფაქტობრივად, არ არის და იმისათვის, რომ დასაქმდნენ, იგი შეეცდება, მათ უცხოეთში რაღაც ლეგალური პირობები შეუქმნას. ჩვენთან სიკვდილიანობაზე მეტი შობადობაა საბედნიეროდ, თუმცა უარყოფითი ბალანსი მაინც არის იმის გამო, რომ სოციალური პრივილეგიების მიზეზით ქვეყნიდან უამრავი ადამიანი გაედინება. ბოლო 15 წლის განმავლობაში მილიონზე მეტი მოქალაქეა გასული. ეს შემაშფოთებელი უნდა იყოს ყველასთვის, არა მარტო ხელისუფლებისთვის და გადაწყვეტის გზები უნდა ვეძებოთ არა იმაში, რომ ეს გადინება, პირდაპირ თუ ირიბად, კიდევ წავახლისოთ, არამედ იმაში, რომ მათ აქ, ადგილზე შევუქმნათ საკადრისი და სათანადო პირობები დასაქმებისთვის“, – განუცხადა „აქცენტს“ კვიციანი.

ამასთან, მისი თქმით, არ არის აუცილებელი, მთავრობამ პირდაპირი სამუშაო ადგილები შექმნას, – მთავარი, მან ბიზნესს შეუქმნას პირობები დამატებითი სამუშაო ადგილების შესაქმნელად. „მე არ ვიცი, რას ემსახურებოდა ივანიშვილის ეს განცხადება, თუმცა ეკონომიკური თვალსაზრისით, წარმოდგენილია ასე ქვეყნის წინ წაყვანა, რადგან ვერ გვექნება მაღალი ეკონომიკური ზრდა, თუ საქართველოს მოსახლეობა წლიდან წლამდე ასე შემცირდება“, – დასძინეს ექსპერტი.

ინტრომოსის საუნივერსიტეტო კლინიკის დირექტორი გოჩა ინტრომოსა საყოველთაო ჯანდაცვაში ჩართული კლინიკებისთვის რეალური ტარიფების დაწესებას მიესალმება.

„გასულ კვირას ჯანდაცვის სამინისტროში გაიმართა შეხვედრა კლინიკებთან, სადაც განხილული იყო საქართველოს მთავრობის 5 ნოემბრის №520 დადგენილება. შეხვედრა გაგრძელდა რამდენიმე საათის განმავლობაში, სადაც განხილული იყო ახალი ტარიფები და სავარაუდო ხარჯვებები. შეხვედრა წარმოადგინა დიალოგის რეჟიმში, რაც მისასალმებელია. მივიღეთ კონკრეტული დავალება, რომ ჩვენი მხრიდან დათქმულ ვადაში წარმოდგენილი იქნება 2018-19 წლის შესყიდვებზე დეტალური ინფორმაცია და საინვოისო ხელშეკრულებები, რის

## გოჩა ინტრომოსა: მიზეზები საყოველთაო ჯანდაცვაში ჩართული კლინიკებისთვის რეალურ ტარიფებს!

შემდეგაც გაგრძელდება შეხვედრები, აღნიშნული დოკუმენტაცია სამინისტროში მიწოდებული იქნება უახლოეს დღეებში. ჩვენი შეხედულებით ასეთი დამოკიდებულება შედეგს გამოიღებს“, – აღნიშნა გოჩა ინტრომოსამ.

მისი თქმით, ფასების დადგენა და ერთიანი ტარიფაციის სისტემა კლინიკებს მისცემს ჯანსაღი კონკურენციის საშუალებას.

„ის კლინიკები, რომლებიც 2013 წლიდან ჩართული არიან საყოველთაო ჯანმრთელობის დადგენის პროგრამაში, დღემდე სერვისის მიწოდებას ახორციელებდნენ ძველი ტარიფების მიხედვით და არ იყო ამის განახლების საშუალება, მაშინ როდესაც ასეთ შემთხვევითი კლინიკები უკვე სახელმწიფოსთვის ფასის მიწოდებას ახდენდნენ მიმდინარე ხარჯთაღიწესვაზე დაყრდნობით. ეს თავისთავად კლინიკებს არათანაბარ პირობებში აყენებს. აქედან გამომდინარე, ერთიანი ტარიფაციის სისტემა კლინიკებს შეუქმნის თანაბარი კონკურენციის პირობებს. სახელმწიფოსა და კერძო სექტორის ურთიერთანამშრომლობა გამოიღებს დადებით შედეგს, სადაც გათვალისწინებული იქნება ყოველმხარის პოზიციისა და რაღაც ვეგალზე მნიშვნელოვანია, გათვალისწინებული იქნება პაციენტის ინტერესი, მიიღოს მაღალხარისხიანი სამედიცინო მომსახურება სახელმწიფო პროგრამის ფარგლებში“, – განაცხადა გოჩა ინტრომოსამ.

ცნობისთვის: 20 ნოემბრიდან ძალაში შევიდა საქართველოს



# აშშ-ის სენატში საქართველოს მხარდამჭერი კიდევ ერთი განცხადება გააკეთდა

3 დეკემბერს აშშ-ის სენატის საგარეო ურთიერთობათა კომიტეტში გაიმართა მოსმენა „რუსეთისადმი აშშ-ის პოლიტიკის მომავალი“, რომელზეც სენატორების წინაშე წარდგინდა პოლიტიკურ საკითხებში აშშ-ის სახელმწიფო მდივნის მოადგილე დევიდ ჰეილი და საერთაშორისო უსაფრთხოებისა და გაურყვევლობის საკითხებში აშშ-ის სახელმწიფო მდივნის თანაშემწე კრისტოფერ ფორდი. ინფორმაციას საქართველოს საგარეო საქმეთა სამინისტრო ავრცელებს.

მოსმენისას შესავალ სიტყვაში საქართველოს წინააღმდეგ რუსეთის აგრესიის დამტკიცებას განცხადება გააკეთა სენატის საგარეო ურთიერთობათა კომიტეტის თავმჯდომარემ, სენატორმა ჯეიმს რიშმა (რესპუბლიკელი – აიდაჰოს შტატი).

„რა თქმა უნდა, ჩვენ ყველამ ვიცით რუსეთის მიერ წლების განმავლობაში საქართველოსა და უკრაინაში შეჭრის თაობაზე, სხვა ქვეყნების ტერიტორიაზე რუსეთის მოქალაქეების მონაწილის თაობაზე. რუსეთის ფედერაციის გამო დღეს მსოფლიო საშუალო და ნაკლებად თავისუფალია“, – აღნიშნა სენატორმა რიშმა.

საქართველოსადმი მხარდამჭერი სიტყვიერება წარდგა ასევე სენატის საგარეო ურთიერთობათა კომიტეტის თანათავმჯდომარე, სენატორი ბობ მენენდესი (დემოკრატი – ნიუ ჯერსის შტატი).

„ჩვენ ძალიან მჯავიო უნდა ვიყოთ, რომ რუსეთის მიერ 2008 წელს საქართველოში შეჭრის დღიდან მოყოლებული, კრემლის აგრესიული ქმედებების მრავალი მაგალითი, უბრალოდ დაუშვებელია და არ შეიძლება საერთაშორისო ურთიერთობების ნორმად იქცეს“, – განაცხადა მენენდესმა.

პოლიტიკურ საკითხებში აშშ-ის სახელმწიფო მდივნის მოადგილის ჰეილის განმარტებით, „რუსეთი თავის სამეზობლოში ცდილობს დომინირებას, რაც აისახა მის მიერ უკრაინისა და საქართველოს წინააღმდეგ მიმდინარე აგრესიაში“.

მისი სიტყვებით, აშშ-მა მნიშვნელოვანი სახის ფინანსური ვალდებულება აიღო, დაეხმაროს პარტნიორ ქვეყნებს – საქართველოსა და უკრაინას მდგრადობის გასაზრდელად. „უკრაინის დახმარების მსგავსად, ჩვენ საქართველოსთვის საგარეო სამხედრო დახმარების ფარგლებში 2014 წლიდან მოყოლებული გამოვყავით 170 მილიონი დოლარი, მათ შორის 94 მილიონი აშშ დოლარი 2018-2019 ფისკალური წლისთვის, რათა რუსეთისგან მომდინარე აგრესიის დასაძლევად გავაუმჯობესოთ საქართველოს მდგრადობა, გავაძლიეროთ ქვეყნის ტერიტორიული თავდაცვის შესაძლებლობები და მხარი დავუჭიროთ საქართველოს სამხედრო

ტრანსფორმაციის ძალისხმევებსა და ნატო-სთან თავსებადობას“, – განაცხადა ჰეილიმა.

საერთაშორისო უსაფრთხოებისა და გაურყვევლობის საკითხებში აშშ-ის სახელმწიფო მდივნის თანაშემწე კრისტოფერ ფორდმა ხაზი გაუსვა რუსეთის მიერ საქართველოსა და უკრაინის წინააღმდეგ აგრესიასა და ტერიტორიების მიტაცებას, რუსეთის მიერ დამასკოს „მკვლელი რეჟიმის“ მხარდამჭერას, აშშ-ში ევროპასა და მსოფლიოს სხვა ადგილებში დემოკრატიული პროცესებისთვის რუსეთის ძირგამომთხრელ საქმიანობას.

ფორდმა ასევე ყურადღება გაამახვილა, „ღია ცის ხელშეკრულების“ ძალაში შესვლის დღიდან, რუსეთის მიერ მის შეუსრულებლობაზე. ამ მხრივ მან გამოყო რუსეთის მიერ „ღია ცის ხელშეკრულების“ დარღვევის ფაქტები, მათ შორის, რუსეთის მიერ ოკუპირებული, საქართველოს ტერიტორიების სიახლოვეს განხორციელებული „ღია ცის ხელშეკრულების“ უხეში დარღვევის ფაქტები.

აშშ-ის საგარეო ურთიერთობათა კომიტეტის წევრმა, სენატორმა მიტრომიმ (რესპუბლიკელი – იუტას შტატი) ხაზი გაუსვა რუსეთის აგრესიულ ქმედებებს, კერძოდ, რუსეთის მიერ საქართველოსა და უკრაინაში შეჭრას, მსოფლიოს სხვადასხვა ნაწილში, განსაკუთრებით აშშ-ის არჩევნებში რუსეთის ჩაურევს შემთხვევებს.

სენატორი კორი გარდნერის (რესპუბლიკელი – კოლორადოს შტატი) სიტყვებით, „რუსეთის ფედერაცია ვლადიმირ პუტინის მმართველობით შეიჭრა მეზობლების საქართველოსა და უკრაინის ტერიტორიაზე; მხარს უჭერს ასადის სისხლიან რეჟიმს; გვმტრობს ავღანეთში; ჩართულია დასავლეთის დემოკრატიების წინააღმდეგ აქტიურ საინფორმაციო ომში, მათ შორის 2016 წელს ჩაერია აშშ-ის არჩევნებში. რუსეთი ასევე პასუხისმგებელია სხვა ქმედებებზეც, როგორცაა 2014 წელს უკრაინის ტერიტორიაზე მალაიზიის თვითმფრინავის ჩამოგდება; 2018 წელს სოლსბერიში (გაერთიანებული სამეფო) ქიმიური შეტყვის განხორციელება.“

„რუსეთი ჩვენი აშკარა მოწინააღმდეგეა, რომელიც 2016 წელს ჩაერია აშშ-ის არჩევნებში. მას კვლავაც განზრახული აქვს იგვიე გააკეთოს 2020 წელს აშშ-ში და ასევე ჩაერიოს მსოფლიოს სხვა დემოკრატიული ქვეყნების არჩევნებში. მე მჯერა, რომ ვლადიმერ პუტინი ავაზაკია და რუსეთის ფედერაცია სირიის, ჩრდილოეთ კორეის, ირანისა და სუდანის მსგავსად უნდა ცნონ ტერორიზმის სპონსორ სახელმწიფოდ“, – განაცხადა გარდნერმა.



## სტუმრად დელოვალთან


ბრიტანეთის დელოვალმა ელისაბედ II-მ ნატოს ლიდერებს ბუკინგემის სასახლეში უმასპინძლა. საზეიმო მიღებას დაესწრნენ პრინცი ჩარლზი და თავისი მეუღლე კამილა, ასევე, ნატოს გენერალური მდივანი და ალიანსის მოკავშირე ქვეყნების ლიდერები. სტუმრებს შორის იყო შეერთებული შტატების პრეზიდენტი დონალდ ტრამპიც, რომელსაც ბუკინგემის სასახლესთან საპროტესტო აქციით დახვდნენ.

## პუტინი საფრთხის წინაშე დგას

რუსეთის პრეზიდენტი ნატოს გაფართოებას კვლავ საფრთხედ მიიჩნევს. ამის შესახებ ვლადიმერ პუტინმა სამხედრო ჩინოსნებთან შეხვედრაზე განაცხადა. „საბჭოთა კავშირი აღარ არსებობს. ვარშავის პაქტი არ არსებობს. სამხედრო კოალიცია, რომელიც შეიქმნა ნატოს საპირწონედ, არ არსებობს, თუმცა ნატო მაინც არსებობს და ვითარდება. ნატოს გაფართოება და მისი სამხედრო ინფრასტრუქტურის განლაგება რუსეთის საზღვრების სიახლოვეს, არის ერთ-ერთი პოტენციური საფრთხე ჩვენი ქვეყნისთვის“, – აღნიშნა პუტინმა.

## უკრაინელი ოლიგარქი დააკავეს

ბერმანიაში, ქალაქ ახენში, პოლიციამ უკრაინელი ბიზნესმენი და რადას ყოფილი დეპუტატი ალექსანდრე ონიშენკო დააკავა. გერმანიის სასამართლო უკრაინაში მისი ექსტრადიციის გადწყვეტილებას მიიღებს. ახენის პოლიციის ინფორმაციით, ონიშენკო უკრაინის ნაციონალური ანტიკორუფციული ბიუროს თხოვნის საფუძველზე დააკავეს.



უკრაინაში ონიშენკო ბუნებრივი აირის გაყიდვის თაღლითური სქემის შექმნაშია ეჭვმიტანილი. უმაღლესმა რადამ მისი პასუხისმგებლობის საკითხი ჯერ კიდევ 2016 წელს დააყენა. თუმცა მან ქვეყნის დატოვება მოასწრო. 2016 წელს ონიშენკო ძებნილად გამოცხადდა. 2019 წელს ალექსანდრე ონიშენკოს საქმეზე უკრაინაში გამოძიება დასრულდა. მიმდინარე წლის 18 თებერვალს პროკურატურამ სასამართლოს საბრალდებო დასკვნა გადასცა. ამ დროისათვის უკრაინაში ონიშენკოს ექსტრადიციის თარიღი ცნობილი არ არის.

## ახალგორელისთვის ჯერ არაფერი შეხვლია!

ახალგორში ახალგაზრდა კაცი ცხენიდან ჩამოვარდა და თავის არეში ტრავმები მიიღო, თუმცა მისთვის სამედიცინო დახმარების გასანჯვად თბილისისკენ გზა არ გახსნილა და სასწრაფო დახმარების მანქანა ცხინვალისკენ გამოიძახეს. არადა, მე ფაქტო ხელისუფლებამ 2 დეკემბერს განაცხადა, რომ ე.წ. საზღვარზე გადასვლის აკრძალვას ხსნიდა ახალგორის რაიონის იმ მცხოვრებთათვის, რომლებსაც გადაუდებელი სამედიცინო დახმარება სჭირდებათ. 3 დეკემბერს რადიო თავისუფლებასთან საუბარში ახალგორელი სამოქალაქო აქტივისტი თამარ მეარაყიშვილი აცხადებს, რომ დაბაში ჯერ არაფერი შეცვლილა.

მოქალაქეებს შორის განცვეტილია ნათესაური კავშირები.

ოკუპირებული ცხინვალის რეგიონის დე ფაქტო ხელისუფლებამ ახალგორის რაიონთან ე.წ. საზღვარი 4 სექტემბერს დაკეტა. ეს იყო ერთ-ერთი პასუხი ხაშურის მუნიციპალიტეტის სოფელ ჩორჩანასთან ქართული პოლიციის საფრთხეების გახსნაზე. ოქტომბრის ბოლოს საოკუპაციო ძალებმა ე.წ. საზღვარზე არ გაატარეს ახალგორის რაიონის მცხოვრებლები მარგო მარტიაშვილი, რომელსაც, სავარაუდოდ, ინსულტის გამო სჭირდებოდა გადაუდებელი სამედიცინო დახმარება და ოჯახს პაციენტის გადაყვანა სურდა საქართველოს ცენტრალური ხელისუფლების მიერ კონტროლირებულ ტერიტორიაზე. მარგო მარტიაშვილი 28 ოქტომბერს გარდაიცვალა.

დაახლოებით ერთი კვირის შემდეგ ახალგორის რაიონის მცხოვრებმა თამარ გიგაურმა ჭაში ჩავარდნის შედეგად მძიმე ტრავმები მიიღო და, ოჯახის თხოვნის მიუხედავად, ე.წ. საზღვარზე არც გიგაური გაატარეს.

ახალგორის რაიონთან ე.წ. საზღვრის დაკეტვის გამო ადგილობრივ მცხოვრებლებს, მესამე თვეა, შეზღუდული აქვთ წვდომა საქართველოს მოქალაქის პენსიასა და ცენტრალური ხელისუფლების მიერ კონტროლირებულ ტერიტორიაზე მდებარე სასწავლებლებში განათლების მიღებაზე.

ახალგორში შექმნილი ვითარების შესახებ იმსჯელებენ უნევის დისკუსიის მორიგ რაუნდზე, რომელიც 10-11 დეკემბერს გაიმართება.

ზოგა აფციაური







ლეგიონერი

გიოს ლიგა

მსაბუნარი „იბეროსტარ ტენერიფე“ ჩემპიონთა ლიგაში დიდებულ ასპარეზობას განაგრძობს და C ჯგუფში მიჯრით უკვე მეშვიდე მატჩი მოიგო. გიორგი შერმადინის გუნდმა საკუთარ კედლებში გერმანული „ბამბერგი“ მიიღო და გამარჯვება არ გასჭირვებია – 82:64.

კუნძულელთა თავკაცმა ლიდერთა დასვენება გადაწყვიტა იქაური ჩემპიონატის მორიგი ტურის წინ და ჩვენი თანამემამულე სასტარტო ხუთეულში არ ყოფილა, თუმცა, 24 წუთი მაინც ითამაშა. ქართველმა 19 ქულა, 5 მოხსნა და 1 ჩაჭრა შესძინა საკუთარ პარტნიორებს. „ჯვაროსანმა“ 12-დან 8 ორქულიანი და 3-დან 3 საჯარიმო ჩააგდო, რის შედეგადაც მისი მარგი ქმედების კოეფიციენტი 17-ს გაუტოლდა.

სარგებლიანობით გიოს ორივე გუნდის რიგებში მხოლოდ თანაკლუბელმა მარსელინიო უერთასმა აჯობა (18), რომელმაც 6 ქულა და 13 შედეგიანი გადაცემა მიითვალა, 19 ქულით კი შერმადინი მასპინძელთა რიგებში ყველაზე შედეგიანი იყო, მაგრამ მთლიანად მატჩში გერმანელთა სნაიპერ კრისტიან შენგფელდერს (20 ქულა) ჩამორჩა.



„იბეროსტარ ტენერიფეს“ ჯგუფში შვიდივე მატჩი მოგებული აქვს და, ცხადია, ლიდერია, მომდევნო ტურში კი 10 დეკემბერს რუსეთში „ნიჟნი ნოვგოროდს“ დაუპირისპირდება.

პიტალი ჯაფარიძე

რეცეპტი

ირანელი მონღოლი

ბამონი ირანელი ძიუდოისტი, მსოფლიოს ჩემპიონი საიიდ მოლაი მონღოლეთის მოქალაქე გახდა და ტოკიოს ოლიმპიურ თამაშებში მისი სახელით იასპარეზებს.

მას ახალი სამშობლოს პასპორტი უშუალოდ ქვეყნის პრეზიდენტმა და იმავდროულად მონღოლეთის ძიუდოს ასოციაციის ხელმძღვანელმა ხალტმაგაინ ბატულგამ გადასცა.

მოლაის ირანის ხელისუფლებისგან წლეულს ტოკიოში გამართული მსოფლიოს ჩემპიონატის ნახევარფინალური ორთაბრძოლის დათმობა ებრძანა, რათა ფინალში ისრაელის წარმომადგენელ საგი მუკისთან შესაძლო შეხვედრა არ შემ-

დგარიყო. ისლამური სახელმწიფოს თავკაცთა მოთხოვნის და მისი ოჯახის მიმართ მუქარის მიუხედავად, ტატამის დიდოსტატმა ორთაბრძოლა ჩაატარა, თუმცა, სტრესის გამო დამარცხდა. მოგვიანებით მანვე წააგო მესამე ადგილისთვის შეხვედრაც – ამჯერად ქართველ ლუკა მაისურაძესთან. ირანელი ძიუდოისტი იაპონიიდან უმალ გერმანიაში გაემგზავრა, სადაც პოლიტიკური თავშესაფარი ითხოვა.

მონღოლეთის პასპორტის მქონე 27 წლის მოლაის ტოკიოს ოლიმპიურ თამაშებში მონაწილეობაზე საბოლოო გადაწყვეტილება დამოკიდებულია საერთაშორისო ოლიმპიური კომიტეტის აღმასრულებელ საბჭოზე.

აღსანიშნავია, რომ ირანის მთავრობა თანამემამულე სპორტსმენებს, განურჩევლად სახეობისა, ისრაელის წარმომადგენლებთან შეხვედრებს უკრძალავს.

ბანუშარ გიორგაძე

ოლიმპიზმი

ლოზანაში განიხილეს

საერთაშორისო ოლიმპიური კომიტეტის (IOC) აღმასრულებელმა საბჭომ ლოზანაში ოლიმპიური მოძრაობისთვის მნიშვნელოვანი საკითხები განიხილა, მათ შორის – მომავალი ოლიმპიური თამაშების მასპინძელთა მზადება.

თამაშების მომავალ პროგრამაზე, მათ შორის – ტოკიოს ოლიმპიურ თამაშებში მართონის და სპორტული სიარულის საპროგნოზი გადატანაზე. გარდა ამისა, კრივის საერთაშორისო ასოციაციისთვის (AIBA) უფლებამოსილების აღდგენის პროცესსაც შეეხნენ.

ბაჟან დოლიძე



მოისმინეს საერთაშორისო სპორტული ფედერაციების და ეროვნული ოლიმპიური კომიტეტების მოხსენებები, ასევე იმსჯელეს ანტიდოპინგო მუშაობის საკითხებზე, რუსულ სპორტში შექმნილ დოპინგ-კრიზისზე, ოლიმპიური

თოჯა

გეოქათა თაიგული

გაუფი უფას შტაბბინაში ევროპის ასაკობრივი ჩემპიონატების შესარჩევი ეტაპისა და ელიტ-რაუნდის წილისყრა გაიმართა.

მოგესხენებათ, 2020 წლის კონტინენტური ფორუმების ელიტ-რაუნდში ჩვენი ორივე ნაკრები (17-წლამდელები და 19-წლამდელები) გავიდა.

წილისყრის შედეგად, გიორგი ჩიტაურის 17-წლამდელები ელიტ-რაუნდში მე-6 ჯგუფში მოხვდნენ: ინგლისი, ბელგია, რუმინეთი, საქართველო. გაისად 25, 28 და 31 მარტს ელიტ-რაუნდს ბელგია უმასპინძლებს.

რაც შეეხება რამაზ სვანაძის განვრთნილ 19-წლამდელებს, მე-3

ჯგუფი ასე შეიკრა: საქართველო, შოტლანდია, საფრანგეთი რუსეთი. მომავალი წლის 25, 28 და 31 მარტს ელიტ-რაუნდს საფრანგეთი მიიღებს.

2021 წლის ევროპის ჩემპიონატის შესარჩევი ეტაპზე მატჩები გაისად შემოდგომაზე ჩატარდება და ზურაბ ხიზანიშვილის მომზადებული 17-წლამდელთა ნაკრების მეტოქეები ბელგია, უკრაინა და ლიეტუვა იქნებიან. ჯგუფს თბილისი უმასპინძლებს, გიორგი მიქაძის შეგირდი 19-წლამდელები კი ხორვატეთში გაემგზავრებიან და მასპინძელთა გარდა ლატვიასა და ყაზახეთს შეხვდებიან.

გიორგი შოთაძე



კრიზისალი



საბარტველოს ძიუდოისტთა ნაკრების ყოფილი მწვრთნელი, ავსტრიელი პეტერ ზაიზენბახერი წარსულში არასრულწლოვანი გოგონებისადმი გარყვნილი ქმედებებისთვის გაასამართლეს და მას 5 წლით თავისუფლების აღკვეთა მიუსაჯეს.

ვენის სასამართლოს გადაწყვეტილების ძალაში შესვლამდე 59 წლის ლეგენდას განაჩენის გასაჩივრების უფლება აქვს.

ძიუდოში მსოფლიოსა და 1984-1988 წლების ოლიმპიურ ჩემპიონს ორ არასრულწლოვან გოგონასთან სექსუალური ხასიათის ქმედებაში ბრალი 2016 წლის მინურულს წაუყენეს. საქმე 1990-იანი წლების ბოლო და 2000-იანი წლების საწყის პერიოდებს ეხება.

ამის შემდეგ პეტერ ზაიზენბახერი მართლმსაჯულებას წლების განმავლობაში ქვეყნის საზღვრებს

5 წლით - სინაუი

გარეთ ემალეობდა, საბოლოოდ კი ძებნილის კიევიში დაკავება და მისი სამშობლოში ექსტრადირება წლეულს სექტემბერში განხორციელდა.

ვენის სასამართლომ პეტერი დამნაშავედ ბრალდების ყველა პუნქტში ცნო ზაიზენბახერი პირველი ძიუდოისტი ისტორიაში, ვინც ზედიზედ ორ ოლიმპიურ თამაშებში გაიმარჯვა. ავსტრიელი 2010-2012 წლებში საქართველოს ძიუდოისტთა ნაკრების მწვრთნელად მუშაობდა და გუნდი 2012 წლის ლონდონის ოლიმპიურ თამაშებზეც გაიყვანა, სადაც ოქროს მედალი ლაშა შავდათუაშვილმა მოიპოვა.

კობა კოვახიძე

ინტერნეტიდან

შესხედრა პაროზში

მოქალაქე სინდი ბრუნას სახელი ფეხსე ამბებში კარგად ჩახედულმა ადამიანებმა უკვე წლებია უწყინან. ასეთი წარმატებული ფრანგი ქალი ბოლო ათწლეულში ცოტა თუ ყოფილა და სულაც არაა გასაკვირი, რომ პარიზის მოდების ჩვენებები ამ გოგოს გარეშე წარმოუდგენელია.

იგი დედაქალაქის სარეკლამო სააგენტოებთანაც თანამშრომლობს და ავეჯის ერთერთი მწარმოებელი კომპანიის სატელევიზიო გადაღების დროს მასთან პარტნიორად მიყვანილ ოცლაყში არც მეტი, არც ნაკლები, ცნობილი ფრანგი ფეხსურთელი ანტუან გრიზმანი შეიცნო, რამაც სინდიც გაახარა და სპორტსმენიც.

უცნაურია, მაგრამ ამ დიად შეხვედრას ჭორთა მდინარეა არ მოჰყოლია, რადგან სინდიცა და ანტუანიც ცოლ-ქმრობის უღლით არიან შებორკილნი. გარდა ამისა, გრიზმანს შეიძლება ყველაფერი დასწამო, მაგრამ მექალაქეობა მისგან ისევე შორსაა, როგორც ვლადიმერ პუტინისგან სულიერი კათარზისი.

როსტომ რაჭველიშვილი






გილოცავთ!

პროფესორ გივი მინდელის საზოგადოების წევრები რიგგარეშე თიანეთში, დათო მოსახლეობის, გაივსო ბაღდათში, პონდო...

ოპარ სავას.

გარემოს დამცველები მოხატულად დათვა დააფრთხილო

სოციალურ მედიაში გავრცელდა ვიდეო, რომელშიც პოლარულ დათვს ბუნებზე აწერია „T-34“. წარწერა საგარეუდოდ ფერადი სპრეიტარის გაკეთებულია და ამ ფაქტმა სპეციალისტებსა და გარემოს დამცველებში კრიტიკა დაიმსახურა.



ეკრაელთა საფლავები ნაბიღნს

საფრანგეთის ქალაქ ელზასში 107 ებრაელის საფლავი სვასტიკებით და ანტისემიტური სლოგანებით მოხატეს.



ვანდალიზმის ფაქტის გამო შეშფოთება გამოხატა საფრანგეთის პრემიერ-მინისტრმა ედუარდ ფილიპმა.

ტაიფუნი ფილიპინებზე

ფილიპინებზე ტაიფუნს 10 ადამიანის სიცოცხლე ემსხვერპლა.



მუგაბეს ბანკში 10 მილიონი დოლარი დარჩა...

ზიმბაბვეს ყოფილ პრეზიდენტს რობერტ მუგაბეს გარდაცვალების შემდეგ ბანკში 10 მილიონი დოლარი დარჩა, მაგრამ აღმოჩნდა, რომ მას სიკვდილამდე ანდერძი არ დაუტოვებია.




მუგაბე სექტემბერში 97 წლისა გარდაიცვალა, ის ზიმბაბვეს 37 წლის განმავლობაში 2017 წლამდე მართავდა.

მარიხუანისგან დაზარალებული მედიკამენტები

ბრაზილიის სანიტარიული კონტროლის ეროვნული სააგენტომ (Anvisa) სამედიცინო მიზნით მარიხუანისგან დამზადებული მედიკამენტების წარმოებისა და გამოყენების ნებართვა გასცა.

ნებართვა დროებითია და მისი გაუქმება სამ წელიწადში შეიძლება. ამ პერიოდის განმავლობაში Anvisa მსოფლიოს სხვადასხვა ქვეყანაში მიმდინარე კვლევების შედეგების შესწავლას აპირებს.



მოგებითა და გახათის გზაზე საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველდღიური გამოცემის აღორძინებას.

Table with subscription rates for 'საქართველოს რესპუბლიკა' (Sakartvelos Respublika) in various formats and locations.